

www.BibleForChildren.org

Mathay 8



Tât pe nar bõh kõi này, geh tâm nđáp ta ðon Kana bri Galilê. Mẽ Brah Yêsu lẽ ơm hãn ta này. Brah Yêsu bu jã hãn nhêt tâm nđáp ta này đõng, ndrel ma mpõl oh mon Pãng.



Ta ntũk ndăp nây ndrănh play yũng yar bon mâu hõm
geh ôh, lě nhêt phiao, mẽ Brah Yêsu lah ma Păng:
“Khân păng mâu hõm geh ôh ndrănh nhêt!” Mẽ Brah
Yêsu lah ma phung gũ kơ jan kar ta nây: “Moh ndr
Păng đã khân ay may jan, ăn khân ay may jan ro.”



Brah Yêsu đã phung kơl jan kar này: “Bũk dak ăn bêng lể yăng i dja.” Jêh ri bu bũk dak tễ ta yăng này bêng lâr gâr. Jêh ri Brah Yêsu lah đổng: “Ābaơ dja khân ay may vah ndữ ăn bu ranh sơm nđăp ri.” Jêh ri khân păng vah ndữ.



Tât ma bu ranh sơm nđăp păng chiăm dak i nây jêng
ndrănh, păng mâu gít ôh bôh tă sô ndrănh i nây, yờn
ma phung i kớ jan kar i tơm
vah dak nây nờh gít.



Jêh ri bu ranh i sơm nđăp nây kuăl kon nđăm i nđăp
ur sai ri ôp: “Dâng lể bunuyh, bu vay sỗ ndrănh i dũt
kah ăn bu năch nhêt lor, tât
ma nhêt lể hơm ri mớ bu
sỗ ndrănh i mâu lăng kah
ăn nhêt bớh kới. Mớ
dâng may nkhớng ma
rong ndrănh i dũt kah
dja tât ābaớ dja?”




Dja jêng nau khlay Brah Yêsu jan bôk dak, Păng jan ta
bon Kana bri Galilê. Ndri Păng nhrơ
nau chrêk lợp Păng nờm,
jêh ri mpôl oh mon nsing
ma Păng đống.



Jêh ri Brah Yêsu hăn lăp ta jay Pêtrôs,
Păng say mẽ po Pêtrôs ji kop bêch ta
gre ri.



Brah Yêsu pah ta ti păng, păng bah ro, jêh
ri păng jan piăng trao ma Brah Yêsu.



Tât bri kêng măng nôk nar lể nhỗp, lể bunuyh geh nau
ji, ndrel ma bunuyh brah djơ lăp, bu leo hăn a Brah
Yêsu dadê. Geh ők
ngăn bunuyh ta ãon
nây gũ gum ta mpông
jay ri dadê.



Jêh ri geh ők bunuyh Brah Yêsu jan bah ăp ntil nau ji ta khân păng, mproh brah djơ du lôh bơh bunuyh đống. Păng buay brah djơ mâu ôh ăn ngơi, yorlah phung brah djơ lể năl Păng.




Lě bunuyh tâm mpet ngăn ran pah Brah Yêsu, jêh ri bu bah dadê, yorlah Păng geh nau brah ta săk Păng nôm.



Jêh ri geh bunuyh puăn nuyh hăn bôh kơi tung du huê bu klô rven jông rven ti, hăn a Brah Yêsu.



Tất ta jay nây joi trong lăp hăn ta
Brah Yêsu mâu say ôh, yor ma geh
bunuyh ők ir. Kơt ndrì khân păng lôk
trôm kalơ chor jay tâm sồng
ntũk Brah Yêsu gũ, jêh ri
njữ bu klô rven i
bêch ta mbêl nây
rõ trôm nây.



Brah Yêsu say khân păng geh nau nsing Păng dơi jan
bah nau ji kơt nây, Păng lah
ma bunuyh rven i nây:

“Hơi oh, Gập lể yõ may,
mâu hôm ôh kợp
nau tih ta may.”


“May dâk hõm! May
ndjôt mbêl may nây
sât a jay may nờm ri.”



Jêh ri Brah Yêsu jũr ncho duk, phung oh mon Păng
ncho ndrel Păng đống. Đô ma geh
sial phứt dũt hô tât ma dak rbuh
lăp ta trôm duk ri. Yơn ma
Brah Yêsu lě hăk bêch.



Brah Yêsu lah ma khân păng: “Ơ phung geh nau nsing đễ dơ, moh nau khân may klach hô ir?” Brah Yêsu dâk, Păng buay sial phứt, ndrel ma dak, dak nchöch rbuh rngõn njủp ro. Nôk nây phung oh mon ndrốt hih rhõl, khân păng tâm lah: “Hay, bu moh Păng i nây hiah, dâng geh ma sial phứt, ndrel ma dak nchöch iăt Păng?”



Yorlah Kôranh Brah rông hô ngăn ma
dâng lể bunuyh, tât Păng jao Kon
nguai ở Păng nôm ăn bu nkhât, gay
ma bu moh nsing ma Kon i nây mâu
geh ôh tể dôih, geh nau rêh
n'ho ro ngăn.

40

60



Rôm 3:23

yorlah dâng lể bunuyh lể jan tih dadê, mâu geh ôh du huê
jan dũt ueh kơt Kôranh Brah ứch.

Rôm 6:23

Nau jan tih leo tât ta nau khât gũ ta ndrung ứnh n'ho ro.
Lống nơ Kôranh Brah ăn dơm dam ma bân jêng nau rêh
n'ho ro, tã bơh nơ Brah Krist Yêsu i Kôranh bân lể jan nơh.

Hêbrơ 9:27

Dâng lể bunuyh geh khât du tở dơm, jêh ri Kôranh Brah
nơm phat dôi,



Êphêsô 2:8,9

Tă bớh nau ueh Kôranh Brah, dâng Păng rklaih khân ay may, yor ma khân ay may nsing ma Brah Krist. Nau rklaih i này mâu ôh tă bớh nđơ khân ay may nờm jan, jêng tă bớh Kôranh Brah nờm ăn dờm dam. Mâu đổng di tă bớh bunuyh jan ueh, gay ma lơi ăn du huê bunuyh n'hi êng sắk pắng nờm.

Rôm 10:9,10

Bu moh i mớh nkoch ma mbung lah Brah Yêsu jêng Kôranh, nđập ma iắt ta nuih n'hâm lah Kôranh Brah jan ăn Brah Yêsu dắk rêh, Păng i này Kôranh Brah rklaih ngắn ro. Yor tă bớh nuih n'hâm bắn nsing ma Brah Yêsu dâng Kôranh Brah kớp bắn sớng, jêh ri dâng bắn geh rklaih yor tă bớh nau bắn mớh nkoch ma bu đổng, nau bắn nsing i này.



Yôhan 3:16,17

Yorlah Kôranh Brah rông hô ngăn ma dâng lể bunuyh, tât Păng jao Kon nguai ở Păng nôm ăn bu nkhât, gay ma bu moh nsing ma Kon i nây mâu geh ôh tể dôih, geh nau rêh n'ho ro ngăn. Kôranh Brah đã Kon Păng jũr ta neh ntu dja, mâu ôh gay ma tể dôih bunuyh ta neh ntu dja, yơn ma gay ma rklaih bunuyh yor ma Kon Păng i nây.

Yôhan Rơh 1 5:11-13

Kôranh Brah lể ăn jêh nau rêh n'ho ro ma bân, jêh ri nau rêh i nây jêng geh ta Kon Păng nôm, nau i nây jêng ndr Kôranh Brah mboh nkoch ma bân. Bu moh i gũ tâm rnglăp ndrel Kon Kôranh Brah nôm, păng i nây geh nau rêh n'ho ro đổng, yơn ma bu moh i mâu ôh gũ tâm rnglăp ndrel Kon Kôranh Brah nôm, păng i nây mâu ôh geh nau rêh n'ho ro. Gâp nchih sambũt dja njuăl ăn khân ay may, gay ma ăn khân ay may gĩt i lể nsing jêh ma Kon Kôranh Brah nôm, khân ay may lể geh nau rêh n'ho ro jêh.



Mathay 8-9; Markôs 1-2, 4; Luka 4, 8; Yôhan 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Mnong, Central Bible (cmo) © (Active)
Wycliffe Bible Translators, Inc. All rights reserved.

<https://www.bible.com/bible/1657/GEN.1.CMOL>

©2026 Bible for Children, Inc.

www.M1914.org

www.bibleforchildren.org

